



In sabeda ai 24 de agost él gnü sughé la prüma partida dla Copa Provinzia 2013/2014 de 3° categoria por La Val. La partida é gnüda sugada te cíasa cuntra le Aicha, squadra tumada jö dala 2 categoria.

La squadra de cíasa, alenada dal nü alenadù Claudio Floriani lascia udèi en bel jüch, mo mëss se accontentè cun n punt sù.

Bele do da püc menüc éle la squadra che pasa in vantaggio. Sön n bel lancio de Micky él Alex E. bun de se mët jö la pala y da trà atira cuntra porta denant co gnì antizipé dal defensur avversar.

La squadra de cíasa fej n gran druch sön les fascies y lascia udèi de beles combinaziuns. A mez le prüm tēmp éle Emanuel Dorigo (sogadù nü pro la squadra da La Val) che ciafa n bel cross da Micky y tira n bel tiro al volo che ti rōia bel avisa tles mans dl portier. Püch dedo éle Alex che ti sciampa al defensur avversar y mët n bel cross cuntra porta che vegn devié dal portier y ti rōia bel avisa sön le brac indô a Dorigo che deviëia insciö le pal te porta , chësc gol ti vëgn annullè dal arbiter. Püch do éle ciamò Marco che fej n bel tiro/cross che rüia avisa sön la stangia de porta.

A mez le prüm temp éle le Aicha che ciafa coraje y mët man de fa n gran druch y fej insciö le gol dl 1 -1. Le sogadù dl Aicha é pié ia bel sù da mez ciamp sënza gnì tignì sò y à insciö pudü trà n bel tiro che rōia püch sot al incrocio dla porta da La Val.

Le secundo tēmp mēt man bun pur la squadra avversara che fej n gran pressing y é buna plü iadi da ruvé sō dan porta. Insciō ti vëgnel ince tosc conzedü n rigore ala scaudra dl Aicha, n atacant che rüia te area vëgn metü jō cun n fallo da pert dl defensur da La Val. Sepl vëgn spiazzè cun na bela trata dai önesc metri y insciō se porta la squadra avversara sön l 2 -1.



Do da chësc episodio éle la squadra de ciasa che se descēda indo y rōia plü iadi dan porta, mo i atacanc ne é nia bugn da jì a conclujun y abiné da abiné le pareggio. Üna dles plü granes ocajiuns é stada de Micky che ciafa n bel preparativ da pert de Alex E. a 7 metri dala porta, mo le pal rüia de tröp sura porta fora. Atres ocajiuns éle ince ciamò Alex E. Y Marco che à albü, trami é ruvà dan porta mo i tiri é trami ruvà de püch dlungia le palo ia.

La nervositè da pert dles dōes squadre se fesc sintì y insciō él l arbiter che mēt man de partì fora gheles pur falli y protestes ruvan ince a sciüré fora n sogadù dl Aicha pur dopla amonizium.

Al 80º menüt éle Stefan che ciafa n pasaje da pert de David y cun n tiro de prōma rüia le palon avisa sön le palo lunch.

La partida pe uramai ruvada mo La Val ne lascia nia do y chira le gol dl pareggio. Al ultim menüt dala fin éle Alex E. che rōia tl'aria avversara y vëgn falcè da n defensur, le arbiter sciūra y ti conzed la trata dai önesc metri por La Val.

Micky tira le rigore mo le portier avversar é bun de rebat le tiro che ti rōia zeruch sön i pisc de Micky, al à insciō ma plü bria dl apogè te porta.

La partida se stlűj jő sőn le 2 – 2. N bel jűch cun trőpes aziuns da pert dla squadra da La Val an pudű udėi, manco la determinaziun dan la porta aversara. La partida de ritorno gnarà sugada ai 11 de setember a Aicha dales 20:00.

La formaziun titolara: Sepl Kantioler, Marco Castlunger, Paolo Vallazza, Alex Alton, Werner Sottara, Freddy Sottara, Max Nagler, Micky Frenes, Stefan Sottara, Alex Elzenbaumer y Emanuel Dorigo.

Sostituziuns:

David Moling por Emanuel Dorigo

Felix Nagler por Max Nagler

Egon Frenes por Werner Sottara

